



A las suprastanzas communalas
da las vischnancas grischunas

Cuir, ils 7 d'october 2013

Occurrenza d'infurmaziun davart la refurma da la gulivaziun da finanzas

Stimada dunna presidenta communal

Stimà signur president communal

Stimadas commembras e stimads commembers da la suprastanza communal

La fin d'avust 2013 ha la regenza deliberà la missiva tar la refurma da la gulivaziun da finanzas en il chantun Grischun (refurma da la GF) per mauns dal cussegl grond. La refurma da la GF duai cunzunt rinforzar las vischnancas. Ella procura per ina gulivaziun da finanzas gista ed effizienta tranter las vischnancas e mitigescha grevezzas spezialas ch'èn d'attribuir a las structuradas. Ultra da quai duai la finanziaziun da las incumbensas publicas dal chantun e da las vischnancas vegnir simplifitgada e vegnir realisada en concordanza cun la responsabladad actuala per las incumbensas. Il cussegl grond vegn a tractar la missiva en la sessiun da december 2013. La realisaziun da la refurma è prevista per il cumenzament da l'onn 2015.

Suenter che jau hai gia dastgà orientar a chaschun da la dieta da vischnancas dals 25 da matg 2013 davart las enconuschientschas e las directivas ch'èn resultadas da la procedura da consultaziun, èsi ussa mes giavisch d'As infurmar detagliadamain davart il cuntegn da la missiva e da sclerir dumondas en connex cun la realisaziun.

Nus sperain che Vus possias As participar ad ina da las occurrenzas planisadas (vesair agiunta). In'occurrenza regionala per la Surselva ha gia lieu ils 10 d'october. Ina invitaziun separada è vegnida tramessa da la regiun Surselva.

Vossa annunzia cun il formular agiuntà spetga l'uffizi da vischnancas gugent fin ils
28 d'october 2013.

Grazia fitg per Voss interess!

Salids amicabels

Departament da finanzas
e vischnancas dal Grischun

La scheffa



Barbara Janom Steiner
cussegliera guvernativa

Agiunta: formular d'annunzia